

frigerat ex tempore, præsertim, si agitatio aquæ accedat.

3. Gradus frigoris in fluidis optimè possunt explorari thermometro, quod unum canalem habet in sphæra vitrea. Tale si imponitur fluido, pro diverso statu frigoris, liquor vel attollitur, vel deprimitur.

4. Aquæ salinæ, quæ non magnam quantitatem salis communis possident, corroborari possunt frigore conglaciante, utpote talismodi frigus conglaciat partes aqueas, nequaquam autem salinas, quæ concentratæ, dum glacies eximitur, lixivium salis efficiunt fortissimum.

5. Vina omnis generis spirituosiora, saporis melioris evadunt frigore, dum frigus conglaciat partes aqueas, unde spirituosa sulphureæ à conglaciatione immunes perstantes, augent virtutem & saporem.

6. Eodem modo acetum vini fortius & præstantius fit per actum conglaciationis.

7. Ostenditur experimentum, quâ ratione in frigore intensissimo hyberno liquor destillari posse per alembicum sine ullius caloris accessu.

#### DEMONSTRATIO XLIV.

Magnetis effluvia mirabilem potentiam exerunt in certa corpora, & phænomena curiosissima exhibent.

##### *Experimenta.*

1. Monstratur quomodo poli & puncta magnetis inventi debeant & possint:

2. Magnes crudus præparari & armatura instrui & ratione virium corroborari debeat: item quomodo possint desperdi, & quinam magnetes aliis sint præferendi.

3. Mutua attractio aut fuga ipsorum magnetum inter-